



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LIII. Der Bischof Gernand schenkt dem Dom-Capitel das Dorf Göpel zu Lichtern in der Kirche, im Jahre 1226.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

LII. Der Bischof Gernand bestätigt eine Schenkung an das Hospital des Domstiftes,
am 4. April 1225.

— Gernandus, dei gratia Brandenburgensis ecclesie episcopus, — cum ad hoc devotionem Danielis militis de Mukeda reverentia Jesu Christi ac ejus charitas invitarint, ut anime sue parare desideret ad eterne beatitudinis premium obtinendum, obtulit idem miles de consensu et sine contradictione nostra omnipotenti deo et beato apostolo ejus, Petro, ad usus hospitalis ecclesie nostre cathedralis in Brandenburg, feodum quatuor mansorum in Pritzerwe, quod tenebat a nobis, et pratum quoddam, situm inter pratum nostrum et opidum nostrum Pritzerwe, in suorum et uxoris sue remedium peccatorum, ita tamen, quod quamdiu vixerint ambo simul vel alter eorum altero mortuo eorundem mansorum redditus maneat apud ipsos; si tamen unus superstes fuerit, ducere castam vitam voluerit absque copula conjugali, quod si forsan ad alterius matrimonii copulam convolare voluerit, cedent ecclesie nostre prefate ad usus hospitalis ipsius et commodum iidem mansi et omnem ex eis ad elemosinas pauperum Christi percipiet usufructum nec alias iidem redditus expendent, ut elemosinarum presentia illos invitet devotio et inducat, ut pro ipsis benefactoribus suis orent. Et conventus quidem ecclesie nostre predictae tam ipsius militis quam uxoris sue prefate anniversarium suum diem agat. Ut autem hec nostra donatio et militis sepedicti ordinatio et oblatio ecclesie sepedictae ad usus hospitalis ejus maneat perseverans et perpetuis temporibus inconvulsa, ipsam presenti scripto nostro, impressione sigilli nostri munito, duximus roborandam, sub anathematis interminatione districtius inhibentes, ne quisquam presumat eam alicujus presumptione malevolentie lacerare, que subscriptorum virorum testimonis est munita, videlicet Johannis de Capella parrochiani in Brandenburg, Jacobi plebani in Milowe, magistri Wilhelmi de Pritzerwe, Hinrici plebani de Plawe, Johannis plebani de Motennyz, Johannis plebani de Banthyz, laicorum comitis Bederici de Beltyz, Alberti advocati de Spandow, Sifridi de Stegeliz, Ottonis advocati de Brandburch, Alberti militis de Pritzerwe, Jordani militis in Pritzerwe et aliorum multorum. Datum Brandburch II. nonas Aprilis anno ab incarnatione domini M^o. CC^o. XXV^o.

Nach der Copie im Copialbuche.

LIII. Der Bischof Gernand schenkt dem Dom-Capitel das Dorf Göpel zu Lichtern in der
Kirche, im Jahre 1226.

— Gernandus, dei gratia Brandenburgensis ecclesie episcopus, dilectis in Christo filiis Alberico preposito, Heinrico priori ac toti ejusdem ecclesie capitulo, — nos ad laudem et gloriam Jhesu Christi beati que Petri, apostolorum principis, patroni ecclesie nostre, cui presidemus indigni, vobis et officio custodie tradimus et donamus ad luminaria concinnanda villam Gople cum agris, pascuis, aquis et pratis pertinentibus ad eandem. Damus eidem nihilominus villicationem ipsius ville, videlicet civium magistratum cum mansis illi addictis, advocatiam quoque nobis liberam et vacantem et gurgultum quoddam in Obula, quod Guer vulgari nomine dicitur, quod Heinricus Slavus, magister civium dicte ville, tenebat a nobis, statuantes, ut de omnibus his prescriptis lumina ecclesie pro-

curentur, sicut honorabilius et plenius pro loco et tempore potuerint procurari; advocatiam quoque villarum Garfeliz, Buchowe, Museliz atque Gorne et Kik, quam de manu domini Bederici buregravii, qui a nobis eam tenuit, redemistis, vobis et ecclesie vestre donamus cum omni plenitudine juris sui. Ut autem hec nostra donatio rata vobis permaneat et eternis temporibus inconvulsa, vos super ea presenti pagina sigilli nostri munimine roborata, duximus muniendos, sub anathematis interminatione districtius inhibentes, ne quis ausu presumat eidem temerario contraire vel ipsam quomodolibet violare. Testes autem hujus rei sunt: Alvericus prepositus Brandeburgensis, Reinerus prepositus Liezekeusis, Henricus prior, Henricus camerarius, Jacobus, cellerarius, Heidenricus custos, canonici Brandeburgenses, magister Helyas, plebanus de Secezere, Richardus, notarius noster, Johannes, Sancti Nicolai canonicus Magdeburgensis; laici vero Bedericus buregravius Brandeburgensis, Sifridus et Conradus fratres de Stegeliz, Albertus miles de Pretferewe, Daniel miles de Mukede, et Thidericus, prefectus, frater ejus, Marfilius, officiatu noster de Pretferewe, et alii quam plures. Datum Brandeburch, nonas Junii, anno ab incarnatione domini millesimo ducentesimo vicesimo sexto, pontificatus vero nostri anno quinto.

Nach dem Originale.

LIV. Der Bischof Gernand bestätigt eine Schenkung an das Hospital des Domstiftes,
am 4. Februar 1227.

Gernandus, dei gratia Brandeburgensis episcopus, universis in Christo fidelibus, presentem paginam inspecturis. — Daniel siquidem miles de Mukede piam habet cum desiderio voluntatem, sicut credimus et speramus desuper inspiratam, quatenus hospitali ecclesie nostre Brandeburgensis taliter in redditibus ampliandis juxta proprias facultates provideat et succurrat, ut pauperum Christi refectio tanto ibi fiat uberior, quanto per quantitatem impendii sui surgunt redditus hospitalis majoribus incrementis. Noverint igitur universi litteras has visuri, quo iure miles preter hos redditus, videlicet quatuor mansos, sitos in villa Verchiezere, et totidem in villa Pretferewe cum prato uno, quos diu contulerat hospitali, juxta quod in conscriptis super hoc privilegio continetur, nunc de novo resignavit in manibus nostris ad usus hospitalis ejusdem quatuor choros ordei et filiginis octo modis minus, quos ecclesie de Pretferewe deputavit, et tres mansos, in villa Verden sitos, simul cum eadem annona, quos de manu nostra jure tenuit feudali, sic tamen, ut redditus illos ipse percipiat temporibus vite sue, cessuros ad sustentationem pauperum hospitalis post obitus sui diem. Et statuit quidem, ut canonici Brandeburgenses memoriam sui et uxoris sue Berte defuncte nec non et patrum, predecessorum suorum, singulis annis agant diebus anniversariis eorundem. Sed et nos, precibus ipsius militis inclinati et devotionis sue facilem impendentes assensum, quicquid nostri juris in ipsis mansis et choris fore dignoscitur, de consensu capituli nostri hospitali eidem libere donationis titulo duximus conferendum sub anathematis interminatione, districtius inhibentes, ne quis hujus facti processum temere presumat infringere, ita quod quicumque de ipsis proventibus ordinare presumpserit aliud, ipso facto excommunicationis poenam incurrat. Hujus autem facti processum literis nostris insertum, sigilli nostri munimine duximus roborandum, fidelium testimonio subscripto, quorum hec sunt no-